

VLADA

BOSNIA AND HERZEGOVINA
FEDERATION OF BOSNIA AND HERZEGOVINA

GOVERNMENT

Broj: 03-04-1366-19/25
Sarajevo, 08.08.2025. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku ✓
n/p gosp. Almedinu Aliefendiću, zastupniku

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 12-08-2025			
Org. jed.	Broj	Priloga	Vrijednost
05/1	-02	374	25

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u privitku Vam dostavljam akt Federalnog ministarstva okoliša i turizma, broj: 05-19-545/25 od 04. kolovoza 2025. godine, koji se odnosi na zastupničko pitanje zastupnika Almedina Aliefendića.

S poštovanjem,


TAJNIK VLADE
dr. sci. Edita Kalajdžić

Privitak: kao u tekstu

Broj: 05-19-545/25
Sarajevo, 04.08.2025. godine

Bosna i Hercegovina
Federacija Bosne i Hercegovine
VLADA FEDERACIJE BIH
N/r. gđa. Edita Kalajdžić, sekretar
Adresa: Hamdije Čemerlića 2
71 000 Sarajevo

POSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 07.08.2025			
Organizacione jedinice	Klasifikacija	Hodni broj	Broj priloga
03-04-1366-19/2025			

Predmet: Odgovor na poslanička pitanja, dostavlja se.-
Veza: Vaš akt, broj: 03-04-1366-19/2025 od 28.07.2025. godine

Poštovana,

Vašim aktom, veza broj: 03-04-1366-19/2025 od 28.07.2025. godine, u kojem tražite odgovore iz naše nadležnosti na postavljena poslanička pitanja, koja je, na 23. redovnoj sjednici Predstavničkog doma Parlamenta Federacije BiH, održanom dana 23.07.2025. godine, postavio Almedin Aliefendić, poslanik u Predstavničkom domu Parlamenta Federacije Bosne i Hercegovine, dostavljamo slijedeće odgovore:

1. Koja je razlika između Termoelektrane Tuzla i Termoelektrane Kakanj kada u Tuzli niste odobrili probno spaljivanje RDF otpada, dok je u Kakanju ono već provedeno?

Ministarstvo je 13.02.2025. godine, na zahtjev JP Elektroprivrede BiH, te u skladu sa članom 82. stav (3) Zakona o zaštiti okoliša Federacije BiH („Službene novine FBiH“, broj: 15/21), izdalo mišljenje koje se odnosilo isključivo na ograničene razvojne aktivnosti eksperimentalnog karaktera – tzv. probno suspaljivanje RDF otpada s ugljem – i to za obje termoelektrane pod istim tehničkim i okolišnim uslovima, i u različitom vremenskom okviru realizacije ovih aktivnosti. (u prilogu Mišljenje br.05-19-985/24 od 13.02.2025.)

Ističemo da, mišljenje nije pravno obavezujući akt te da Federalno ministarstvo okoliša i turizma nije izdalo niti okolišnu dozvolu niti formalnu saglasnost za trajnu ili redovnu upotrebu RDF otpada ni za Termoelektranu Tuzla ni za Termoelektranu Kakanj.

Također, mišljenjem Federalnog ministarstva bilo je jasno propisano da operator, prije provođenja aktivnosti, mora najmanje sedam dana unaprijed obavijestiti lokalnu zajednicu, što se u oba slučaja dogodilo. Općina Kakanj je 21.04.2025.g putem službene stranice obavijestila o realizaciji probnog suspaljivanja SRF/RDF s ugljem u Termoelektrani (<https://kakanj.gov.ba/v5/obavijest-o-realizaciji-probnog-suspaljivanja-srf-rdf-s-ugljem-u-termoelektrani-kakanj/>) dok je u Tuzli došlo do snažnog protivljenje lokalne zajednice realizaciji ove aktivnosti, te je JP Elektroprivreda BiH donijela odluku

da ispoštuje zaključke Gradskog vijeća Grada Tuzla i obustavi realizaciju razvojnog projekta probnog suspaljivanja alternativnog goriva SRF/RDF s ugljem u Podružnici Termoelektrana "Tuzla".

2. Ko je i na osnovu kojih zakonskih propisa, dao suglasnost za suspaljivanje RDF otpada u Termoelektrani Kakanj?

Na osnovu zahtjeva JP Elektroprivreda BiH d.d. Sarajevo, a postupajući po nalogu Federalne uprave za inspekcijske poslove, odnosno Zapisniku o inspekcijskom nadzoru Federalnog okolišnog inspektora, kojim je JP Elektroprivredi BiH naloženo da pribavi mišljenje Federalnog ministarstva okoliša i turizma, Ministarstvo je dana 13.02.2025. godine, u skladu sa članom 82. stav (3) Zakona o zaštiti okoliša Federacije BiH („Službene novine FBiH“, broj: 15/21), izdalo mišljenje.

Mišljenje se odnosilo isključivo na kratkoročne razvojne aktivnosti eksperimentalnog karaktera – tj. probno suspaljivanje ograničene količine RDF-a s ugljem u TE Kakanj – i to pod strogo definiranim tehničkim i okolišnim uslovima, u trajanju od najviše dva dana.

Naglašavamo da se ne radi o saglasnosti, niti o okolinskoj dozvoli, već o mišljenju, koje nema pravni učinak, ali je izdano kako bi se obezbijedilo da se eksperimentalni proces odvija pod institucionalnim nadzorom i u kontrolisanim uslovima, u skladu s važećim propisima i inspekcijskim preporukama.

Također, ukoliko JP Elektroprivreda BiH u budućnosti planira trajnu upotrebu RDF-a u redovnom radu postrojenja, mora pokrenuti punu proceduru pribavljanja nove okolinske dozvole, što uključuje javne konsultacije i učešće lokalne zajednice, u skladu sa Zakonom o zaštiti okoliša.

3. Koji su rezultati provedenog „probnog spaljivanja“

JP Elektroprivreda BiH – podružnica TE Kakanj je bila dužna, nakon završetka eksperimentalnog testiranja, dostaviti detaljan izvještaj o provedenom probnom pogonu, koji uključuje:

- rezultate mjerenja emisija u zrak tokom referentne kampanje („ugljen 100%“) i tokom probnog pogona („ugljen + RDF“),
- izvještaje akreditirane ispitne laboratorije (TQM Lukavac),
- podatke o primijenjenim mjerama zaštite okoliša,
- te poređenje izmjerenih vrijednosti sa zakonski propisanim graničnim vrijednostima.

S obzirom na to da je zastupničko pitanje zvanično dostavljeno i JP Elektroprivredi BiH, vjerujemo da će traženi izvještaj, u skladu s pravilima transparentnosti i javnog interesa, biti dostavljen.

4. Zašto se, i pored toga što živimo u jednom od najzagađenijih gradova u BiH, stanovnici Kaknja dodatno izlažu eksperimentima i opasnostima po zdravlje stanovnika i okoliš?

Ministarstvo u okviru svojih nadležnosti nastoji osigurati da se sistemski pristupi zaštiti okoliša, te da se svi projekti i tehnologije razmatraju u skladu s principima održivosti,

zaštite zdravlja stanovništva i aktivnog uključivanja javnosti, poštujući zakonske obaveze i propise. Trenutno važeći Zakon o zaštiti okoliša Federacije BiH („Službene novine FBiH“, broj: 15/21) u članu 82. stav (3) propisuje sljedeće: „Okolinska dozvola se ne izdaje za istraživačke aktivnosti, razvojne aktivnosti ili za testiranje novih proizvoda i procesa” što je ostavilo mogućnost operateru da provodi kako navodite „eksperiment” na način kako je to urađeno.

Ovom prilikom informišemo vas da je Federalno ministarstvo okoliša i turizma pokrenulo krajem 2024.g proceduru izrade izmjena i dopuna navedenog Zakona, te formiralo Radnu grupu koju čine predstavnici svih kantonalnih ministarstava nadležnih za oblast zaštite okoliša. Nacrt zakona će, u skladu s propisima, biti stavljen na javni uvid i objavljen na web stranici Federalnog ministarstva okoliša i turizma, te vas pozivamo da se uključite komentarima, primjedbama i sugestijama koje će pomoći da zakonska rješenja budu bolja i u implementaciji kvalitetnija.

Takođe, podsjećamo da je Vlada FBiH na sjednici 13.02.2025.godine na prijedlog Federalnog ministarstva okoliša i turizma usvojila Uredbu o strateškoj procjeni koja predstavlja sistemski postupak za procjenu potencijalnih utjecaja strategija, planova i programa na okoliš. Jedan od razloga za njeno uvođenje je identificirana potreba za pravovremenim reakcijama i utvrđivanjem dugoročnih i kumulativnih učinaka na nivou strategija, planova i programa ili njihovih izmjena, a kako bi se približili održivom razvoju i boljem stanju u okolišu. Upravo imajući na umu opterećenja u okolišu kod određenih lokalnih zajednica, među kojima je svakako i Kakanj, nakon usvajanja Uredbe obavijestili smo nadležne o obavezi provođenja strateške procjene uticaja na okoliš kod izrade prostorno-planske dokumentacije koja je jedan od prvih i najvažnijih dokumenata razvojnog opredjeljenja.

S poštovanjem,



Dostavljeno:

- Naslovu
- Arhivi